

素問縣解

素問懸解卷六

昌邑黃元御解

舉痛論

統舉諸痛而言故曰舉痛

黃帝問曰余聞善言天者必有驗於人善言古者必有合於今善言人者必有厭於已如此則道不惑而要數極所謂明也今余問於夫子令言而可知視而可見捫而可得令驗於已而發蒙解惑可得而聞乎岐伯再拜稽首對曰何道之問也帝曰願聞人之五藏卒痛何氣使然岐伯對曰經脈流行不止環周不休寒氣入經而稽遲泣而不行客於脈外則血少客於脈中則氣不通故卒然而痛泣與蹠通

要數至數也極盡也發蒙發其蒙蔽也解惑解其疑惑也

經脈一日一夜五十周原自流行不止環周不休也毛偶泄寒氣入經經脈稽遲泣而不行客於脈外則血少而不流衛行脈外氣阻而血凝也客於脈中則氣閉而不通營行脈中血凝而氣阻也營衛壅迫故卒然而痛也

帝曰其痛或卒然而止者或痛甚不休者或痛甚不可按者或按之而痛止者或按之無益者或喘動應手者或心與背相引而痛者或脇肋與少腹相引而痛者或腹痛引陰股者或痛宿昔而成積者或卒然痛死不知人少間復生者或痛而嘔者或腹痛而後泄者或痛而閉不通者凡此諸痛各不同形別之奈何

義詳下文

岐伯曰寒氣客於脈外則脈寒脈寒則縮踰縮踰則脈絀急  
絀急則外引小絡故卒然而痛得炅則痛立止因重中於寒  
則痛久矣

寒氣客於脈外阻其衛氣營血失其喚養則脈寒脈寒則  
縮踰不舒縮踰則絀急不伸絀急則外引小絡牽掣短促  
故卒然而痛得熱氣溫之炅熱也寒消脈暢則痛立止此所  
以卒然而止也因重中於寒寒深脈閉則痛久矣此所以  
痛甚不休也

寒氣客於經脈之中與炅氣相薄則脈滿滿則痛而不可按  
也寒氣稽留炅氣從上則脈充大而血氣亂故痛甚不可按  
也

寒氣客於經脈之中與血中溫氣相薄也營血堙阻則脈滿滿則痛而不可按也緣寒氣積留阻其營血營血欲行而不能因度越寒邪而出其上溫氣從寒上而行離其本位營行脈中是其本位而浸及衛分則脈充大而氣亂營衛易位按之則益痛故痛甚不可按也

寒氣客於腸胃之間膜原之下血不得散小絡急引故痛按之則血氣散故按之痛止寒氣客於挾脊之脈則深按之不能及故按之無益也膜與募通

寒氣客於腸胃之間膜原之下膜腸胃之募原肓之原也病能論其氣溢於大腸而著於肓肓之原在齊下遏其經血血不得散經脈踰縮小絡急引故痛而膜原空虛非如經脈充盈按之則血氣散於空虛之

處隧路通暢故按之痛止寒氣客於挾脊之脈太陽之經入於伏督之中伏督衝脈之伏行於督者卽伏衝也瘡論作伏督靈樞歲露論亦載此段作伏衝則其地深按之不能及故按之無益也

寒氣客於衝脈衝脈起於關元隨腹直上寒氣客則脈不通脈不通則氣因之故喘動應手矣

寒氣客於衝脈衝脈起於關元任脈穴名在齊下隨腹直上挾齊上行而散至胸中寒氣客之則脈道不通脈道不通則經氣因之而生阻格故其痛處喘動應手矣

寒氣客於背俞之脈則血脈涩脈盈則血虛血虛則痛其俞注於心故相引而痛按之則熱氣至熱氣至則痛止矣

寒氣客於背俞之脈足太陽經行身之背藏府俞穴皆出於此是謂背俞之脈入於心

俞則血脉凝盪脈躍則血不流行而營氣虛血虛則常氣壅阻故也其俞內注於心故背心相引而痛按之則君火鬱閉而熱氣至熱氣至則痛止矣

寒氣客於厥陰之脈厥陰之脈者絡陰器繫於肝寒氣客於脈中則血躍脈急故脇肋與少腹相引痛矣

寒氣客於厥陰之脈厥陰之脈絡陰器抵小腹屬肝布脇肋寒氣客於脈中則血躍脈急故脇肋與少腹相引痛矣寒氣客於陰股厥氣上及少腹血躍在下相引故腹痛引陰寒氣客於股陰傷及厥陰太陰之經二經皆自少腹而上

股矣

寒氣客於股陰傷及厥陰太陰之經二經皆自少腹而上胸膈寒閉血躍在下相引筋脈短急故腹痛引陰股矣

寒氣客於小腸膜原之間絡血之中血凝不得注於大經血氣稽留不行故宿昔而成積矣

寒氣客於小腸膜原之間絡血之中絡血凝盈不得流注於大經血氣稽留於膜原空虛之處結而不行故宿昔而成積聚矣

寒氣客於五藏厥逆上泄陰氣竭陽氣未入故卒然痛死不知人氣復反則生矣

寒氣客於五藏五藏陰也而內藏陽陽氣是謂陽根藏寒則陽不藏厥逆而上泄藏中全是陰氣陰氣已勢極而力竭陽氣猶升泄而未歸故卒然痛死不知人以陽主生陰主死人之所以生而有覺者陽氣之虛靈也陽氣升泄故人

死無知此氣復反陽根下蟄則生矣

陰氣竭者陰氣盛極而將衰也

寒氣客於腸胃厥逆上出故痛而嘔也寒氣客於小腸小腸不得成聚故後泄腹痛矣

寒氣客於腸胃腸陷則泄胃逆則嘔胃氣壅迫水穀莫容大腸以燥金之府魄門歛固下竅不開中氣成滿逆衝上竅故腹痛嘔吐也寒氣客於小腸小腸者傳化物而不藏不得成聚腸寒脾濕風木陷衝故後泄而腹痛矣

熱氣留於小腸腸中暉熱焦渴則堅乾不得出故痛而閉不通矣

熱氣留於小腸小腸以丙火之府其中暉熱焦渴則糞粒堅乾而不得出故痛而閉塞不通矣

帝曰所謂言而可知者也視而可見奈何岐伯曰五藏六府  
固盡有部視其五色黃赤爲熱青黑爲痛白爲寒此所謂視  
而可見者也帝曰捫而可得奈何岐伯曰視其主病之脈堅  
而血及陷下者皆可捫而得也帝曰善

五藏六府之經行於周身固盡有其部視其各部絡脈之  
五色黃赤則爲熱青黑則爲痛白則爲寒此所謂視而可  
見者也視其主病之脈堅牢而血聚及邪深而陷下者皆  
捫而可得也

### 氣厥論

黃帝問曰余知百病生於氣也怒則氣上喜則氣緩思則氣  
結悲則氣消恐則氣下驚則氣亂勞則氣耗寒則氣收炅則

氣泄九氣不同何病之生

義詳下文

岐伯對曰怒則氣逆甚則嘔血及飧泄故氣上矣

肝膽主怒怒則肝氣下陷膽氣上逆甚則肝木賊脾而爲泄利膽木刑胃而爲嘔吐血藏於肝其上行而不吐衄者肺金斂之也大怒傷肝不能藏血而甲木上衝雙刑肺胃甲木化氣相火甲木刑胃相火刑金肺胃上逆收斂失政是以嘔血膽木逆升故氣上矣

喜則氣和志達營衛通利故氣緩矣

心主脈其志爲喜喜則心氣和調志意暢達經脈流行營衛通利故氣緩矣

思則心有所存神有所歸正氣留而不行故氣結矣

脾主思思則心有存注神有所歸著正氣停留而不行故氣結矣

悲則心系急肺布葉舉上焦不通營衛不散熱氣在中故氣消矣

肺主悲悲則心系迫急肺布葉舉氣道壅阻上焦不通營衛不散熱氣在中故氣消矣以胸中宗氣衛氣之本所以布呼吸而行營血者也肺布葉舉上焦不通宗氣壅遏不能四達則營衛不散熱氣在中是以肺氣消爍也

恐則精却却則上焦閉閉則氣還還則下焦脹故氣不行矣  
腎主恐恐則精不交神後却而陷流却則神氣離根奔逆

阻格而上焦不通上焦閉塞則下無升路而氣還於一這  
則下焦脹滿故氣不行矣

驚則心無所依神無所歸慮無所定故氣亂矣

膽主驚驚則膽木上逆累及心君膽爲相火心爲君火君火君相同氣心無所依神無所歸慮無所定故氣亂矣

勞則喘息汗出外內皆越故氣耗矣

勞傷氣血則喘息汗出皮洞開外內皆越故氣耗矣

寒則腠理閉氣不行故氣收矣

寒束皮毛則腠理閉斂衛氣不行故氣收矣

炅則腠理開營衛通汗大泄故氣泄矣

炅則腠理豁開炅熱營衛通達汗液大泄故氣泄矣以上十段

帝曰五藏六府寒熱相移者何岐伯曰腎移寒於脾癰腫少氣

腎移寒於脾則溼土不運肌肉凝滯癰腫而少氣也

脾移寒於肝癰腫筋攣

脾移寒於肝土陷木鬱脾被肝刑則肌肉癰腫肝被脾遏則筋膜攣縮也

肝移寒於心狂隔中

肝移寒於心木不生火喜怒乖常則爲狂易

肝主怒心主喜狂易西漢

書語寒阻君火則爲隔中

陰陽阻隔

心移寒於肺肺消肺消者飲一溲二死不治

心移寒於肺火不溫金則爲肺消肺消者收斂失政精溺溢泄飲一溲二死不可治也

肺移寒於腎則爲涌水涌水者按腹不堅水氣客於大腸疾行則鳴灌灌如囊裹漿水之狀也

肺移寒於腎金令水聚則爲涌水涌水者按其腹不堅鞭水氣客於大腸大腸與肺表裏疾行則其鳴灌灌如囊裹漿水之狀動卽有聲也

脾移熱於肝則爲驚衄

脾移熱於肝肝藏血血舍魂魄不甯謐則爲驚血失斂藏則爲衄肝膽同氣此膽木上逆之證也

肝移熱於心則死

肝移熱於心陽根全泄則死也

肝木生於水中之陽風木疏泄腎氣無餘則死

心移熱於肺傳爲鬲消

心移熱於肺君火刑金傳爲鬲消鬲消者鬲上燥熱水至

鬲間而已消也

肺移熱於腎傳爲柔痁

痁與同

肺移熱於腎金燥水枯傳爲柔痁柔痁者筋骨痿軟而踰縮也

腎移熱於脾傳爲虛腸澼死不可治

腎移熱於脾溼土鬱蒸遏抑風木中氣被賊虛敗難復風木陷衝腸澼不斂陽根脫泄死不可治也

脾移熱於膀胱則癃溺血

脾移熱於膀胱溼土賊水水府溼熱前竅閉癃風木陷衝肝血失藏泄於溺孔也

膀胱移熱於小腸鬲腸不便上爲口糜

膀胱移熱於小腸小腸與心爲表裏其脈絡心下鬲而屬小腸故鬲腸不便而心火上炎則口舌糜爛也

小腸移熱於大腸爲處瘕爲沈痔慮與伏通

小腸移熱於大腸以丙火而刑庚金大腸下陷爲伏結而生瘕聚爲沈瘀而生痔瘡也

大腸移熱於胃善食而瘦又謂之食亦

大腸移熱於胃以庚金而傳戊土溼化爲燥善食而瘦水穀消磨而肌肉不生此燥氣大旺而溼氣全虧也又謂之